

ւան, որ նշանակում է՝ Բազա-ի, այսինքն՝ Միհրի աւան, արաբերէն Բազարաւան, նոր պարսկ. Բակուհ, Բազհուհ) հնագոյն ժամանակներից սկսած կարեւոր դեր է խաղացել կրօնի եւ առասպելների մէջ:

Անյիշատակ ժամանակներից սկսած այդ տեղ վառուժ էր Բազա-ի (Միհրի) անշէջ կրօնակը՝ սնունդ ստանալով տեղական նաւթի աղբիւրից:

Այդ նաւթաղբիւրները պատմութեան մէջ առաջին անգամ Պտղոմէոսի կողմից են յիշատակուում, Բ. դարում Ք. յետոյ:

Շիրվանի այն իշխանները, որոնց հետ Օմայեան գորավարներն իրենց արշաւանքների միջոցին ստիպուած էին դործ ունենալ, տակաւին գրադաշտական էին եւ կամ քրիստոնեայ, յամենայն դէպս՝ ոչ մահամեղական:

Շարվանի առաջին արաբ իշխանը (մալիք), որ յիշատակուում է պատմութեան մէջ, եղել է աշ-Շամմախ րէն Շուգան, Շամախի քաղաքի հիմնադիրը (798-9 թ. Ք. Յ.): Այնուհետեւ դալիս են ուրիշներ, իսկ 932 թ. սկսած մինչեւ 11-րդ դարու վերջերը ոչ մի տեղեկութիւն չունինք Շիրվանի մասին:

Երբ հայոց Յովհաննէս 2. կաթողիկոսը (պատմագիր կոչուած) 909-10 թուականին ըստիպուած եղաւ փախուստ տալ մարդ-գազան ամիրապետ (Էմիր) Իւսուֆի հալածանքներից, նա նախ եւ առաջ դիմեց Աղուանից երկրի արեւելեան կողմերը, մեծ իշխան Սահակի եւ Ատրնեբէհէ թագաւորի մօտ, որ ընակութիւն ունի Կովկասի հիւսիս-արեւելեան կողմը: Նըրանք էլ մեր համայնքից են եւ մեր հայկական արօտի հօտ»:

Կաթողիկոսը իսկապէս որ մեծ աջակցութիւն դտաւ նրանց կողմից, ինչպէս ինքն է հաղորդում իր Պատմութեան մէջ:

Այդ Ատրնեբսէհը Շաքէի (այժմեան Նուխի) թագաւորն էր, որդի Համամի, որ 9-րդ դ. վերջերին վերականգնել էր Աղուանից թագաւորութիւնը:

11-րդ դարում հայերը դիտում էին Աղուանքը, որ չափով որ նա ղեռ քրիստոնեայ էր մնացել, որպէս հայկական երկիր: Երբ պարսիկ Էմիր Աբուլ Սուվարը 1040-41 թուականին Գանձակից Աղուանք մտաւ, Դաւիթ Անհող թա-

գաւորը կանչեց Աղուանից Յովսէփ կաթողիկոսին եւ հրամայեց նրան, ասելով.

«Ժողովիր քո հայ երկրի բոլոր եպիսկոպոսներին, որոնք Աղուանքում են, եւ ե՛կ մեր բանակատեղին»:

Ու կաթողիկոսը դալիս է 200 եպիսկոպոսների հետ միասին, ինչպէս հաղորդում է Մատթէոս Ուռհայեցի պատմիչը: Սամուէլ Անեցին 1079-ին Աղուանքի կաթողիկոսին ուղղակի հայ կաթողիկոսների շարքում է յիշում, որոնց թիւը այն ժամանակ չորս էր:

Ասածներից հետեւցնել կարելի է, որ տակաւին քրիստոնեայ մնացած աղուանները, եւ ամենից առաջ Շաքէում ու Արցախում ապրողները, 11-րդ դարու ընթացքին հայացուեցին, ինչպէս որ առաջ էլ (սկզբնապէս ոչ-հայկական) Միւնիքն էր հայացել:

Այդպիսով՝ հայ ազգը կատարելապէս ամբողջացել էր արդէն, երբ նրա գլխին տանկական փոքորիկը փրթաւ:

Տակաւին հետադարձութեան կարօտ է այն խնդիրը, թէ Աղուանքի ու Ատրպատականի կատարեալ թրքացումը, որի սկիզբը, մոնղոլների արշաւանքով դրուեց, ե՞րբ աւարտուեց ու ամբողջացաւ: Մի քանիսը այն 26 լեզուներից — կամ աւելի շուտ բարբառներից — որոնք Ստրաբոնի ու այլոց տեղեկութիւններին նայելով խօսուում էին Աղուանքում, անտարակոյս մինչեւ օրս էլ պահուել են Դաղստանի լեզուներում: Ընդհակառակը, աղուաններէն խօսակցական, յարաբերական լեզուն՝ արբաներէնը, որին զուգընթաց պարսկերէնն էլ դործածական էր, բոլորովին խեղդուեց թուրքերէնի կողմից, եթէ հաշուելու չլինինք այն, որ Վարդաշէն ու Նիթ (Նուխիի մօտ) գիւղերում, ինչպէս եւ Կասպից լճի եղերքին դանուող մի քանի ուրիշ փոքր վայրերում խօսուող լեզուն աղուաներէնի վերջին մնացորդն է 6):

Միւս կողմից որպէս Շաքէի քրիստոնեայ ու հայացած աղուան բնակչութեան մնացորդներ համարելու է այն հայերին, որոնք այսօր ցրուած են թաթարների մէջ — Դաղստանի հա-

6) 1918-19-ի դէպքերի ընթացքում մեծապէս տուժեցին ինչպէս այդ շրջանի հայերը, այնպէս եւ Նիթի, Վարդաշէնի եւ միւս գիւղերի ուտիացիք: